



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1494 usque ad annum 1507

Fleury, Claude

August. Vind. [u.a.], 1769

VD18 90118448

§. 79. Irruptio Ludovici Sfortiæ

[urn:nbn:de:hbz:466:1-67025](https://nbn-resolving.org/urn:nbn:de:hbz:466:1-67025)

Sæcul. XV.
A. C. 1500.
surgebat, ut ipſus non parum expaveſce-
ret. Tandem tota Mediolanenſis ditio
ſenſim tam lata exarſit ſeditione, ut in
cunctis urbibus vix ullus inveniretur, qui
in fide Gallorum permaneret; omnes e-
nim priſtinum Regimen auxiliis votis ex-
optabant, atque Ludovico Sfortiæ etiam
rerum inſcio, ad imperium, a quo ipſum
paulo ante deturbare adlaborabant, jam
reditum parabant.

§. LXXIX.

*Irruptio Ludovici Sfortiæ in Medio-
lani Ducatum.*

Interea Maximilianus Imperator Ludo-
vicum Sfortiam in aula ſua perhonorifi-
ce excipiebat atque jurata fide pollice-
batur, ſemetipſum cum exercitu ſuo in
ejus auxilium brevi accuſſurum. Ludo-
vicus hac ſpe fretus, cum octo Helve-
tiorum millibus, & quingentis Comita-
tus Burgundici cataphractis, ſtipendio
conductis, in Italiam una cum Aſcanio
fratre ſuo contendit, ac primo vere hujus
anni Equitatu Germano auctus, Medio-
lani Ducatum ingreditur, Trivultio re-
rum penitus ignaro, qui tamen ſimulac
Ludovicum Ducem rediſſe comperit,
mox omni ope, ac opera in id incubuit,
ut hoſti obviaret, ac pedem referre com-
pelleret. Aſt cum Gallorum exercitum
recen-

recenseret, quamplurimos milites, eos-
que ætate juvenes signa deseruisse de-
prehendit; hi enim otio torpescere fasti-
dientes, relictis Mediolanensium muro-
rum angustiis ad Romandiolæ, & Pisa-
rum expeditionem accurrebant, suis com-
militonibus operam juncturi. Præterea
Mediolanenses Cives haud dissimulan-
ter Trivultio significabant, quod nihil ar-
dentius in votis haberent, quam Ducem
suum Ludovicum denuo patriæ suæ re-
stitui. Ergo Trivultius animo constituit,
cum quadam exercitus sui parte urbem
tueri, accepto tamen nuncio, Ludovicum
magnis itineribus Comum contendere,
jamque quasdam copias lacui Lario im-
posuisse, protinus missis suppetiis hanc
quoque civitatem antea præsidio desti-
tutam munivit, probe conscius, totius
Ducatus conservationem ab hujus urbis
salute omnino dependere.

§. LXXX.

*Comum, Mediolanum, & potissimæ
urbes in Ludovici Ducis obse-
quium revocatæ.*

Tanta celeritate Ligniacensis Comes,
qui copiis a Trivultio missis præerat,
Comum contendit, ut Ludovici adven-
tum præveniret; urbem demum ingres-
sus